

## UGOVOR

### Član 1.

Ovim Ugovorom uređuju se međusobni odnosi između SWISS d.o.o. (u daljnjem tekstu: SWISS d.o.o.) i korisnika čiji su podaci navedeni na prvoj stranici ovog Ugovora (u daljnjem tekstu: korisnik). SWISS d.o.o. daje, a korisnik prima na korištenje vozilo navedeno na prvoj stranici ovog Ugovora (u tekstu: vozilo), a pod uvjetima i na vrijeme utvrđeno u ovom Ugovoru.

### Član 2.

Potpisivanjem ovog Ugovora korisnik potvrđuje da je preuzeo vozilo u ispravnom i neoštećenom stanju, punog spremnika goriva, osim ako u Ugovoru nije izričito pismeno drukčije navedeno. Korisnik potvrđuje da je uz vozilo primio dokumente za vozilo, ključeve za vozilo, svu obaveznu opremu vozila, kao i dodatnu opremu i pribor naveden u Ugovoru.

### Član 3.

Korisnik se obavezuje da će vozilo vratiti u mjesto preuzimanja i to najkasnije u roku utvrđenom ovim Ugovorom.

Korisnik se obavezuje da će vozilo vratiti i prije ugovorenog roka, a na zahtjev SWISS d.o.o. Korisnik se obavezuje da će vozilo vratiti ispravno i neoštećeno, sa svom dokumentacijom, ključevima, gumama, alatom, obaveznom, standardnom i dodatnom opremom, kako ga je i preuzeo. Novčane obaveze prema ovom Ugovoru, ukoliko se ne plaćaju u vidu predujma ili pologa, Korisnik je dužan platiti odmah, odnosno pri povratku vozila ili u roku od 8 dana od postavljanja zahtjeva za isplatu odnosno ispostavljanja računa, ako je tako prethodno dogovoreno. Korisnik pristaje da, na teret njegove kreditne kartice ili nekim drugim načinom plaćanja, SWISS d.o.o. naplati sve troškove popravaka, kvarova ili gubitka koji su otkriveni nakon što je vozilo vraćeno, a korisnik nije izvijestio SWISS d.o.o. u skladu s procedurom o povratu vozila. SWISS d.o.o. zadržava pravo da naplati a da prethodno ne obavijesti korisnika. Također, SWISS d.o.o. zadržava pravo korištenja depozita po kreditnoj kartici bez dodatnog odobrenja vlasnika iste.

### Član 4.

Korisnik se obavezuje da će produženje trajanja najma kao i ostale promjene glede najma pravovremeno zatražiti od SWISS d.o.o. Uslučaju da korisnik prekorači ugovoreni rok vraćanja vozila bez suglasnosti SWISS d.o.o., SWISS d.o.o. ima pravo vozilo smatrati ukradenim i o tome izvjestiti policiju. U tom slučaju korisnik snosi svu nastalu štetu. U slučaju prekoračenja roka vraćanja vozila, korisnika i nadalje terete sve obaveze i odgovornosti iz ovog Ugovora, a koje su inače dogovorene za vrijeme trajanja najma. Svi uposlenici SWISS d.o.o. imaju pravo kontrolirati bilo koje vozilo, u bilo koje vrijeme. Ako se ustanovi da je korisnik prekršio bilo koji od uvjeta ovog Ugovora, uposlenici SWISS d.o.o. su ovlašteni oduzeti vozilo. SWISS d.o.o. bezuvjetno zadržava pravo raskida Ugovora o najmu vozila, bilo kada i bilo gdje i prije isteka Ugovora o najmu vozila, bez ikakve obaveze nadoknađivanja štete korisniku.

### Član 5.

Korisnik jamči i obavezuje se:  
-da je iznajmljeno vozilo preuzeo i da će ga koristiti sukladno Zakonu o sigurnosti prometa na cestama te drugim vazećim propisima;

- da će vozilo koristiti samo za vlastite potrebe;
- da će vozilom upravljati samo korisnik ili osoba koja je pored korisnika u Ugovoru navedena kao dodatni vozač, odnosno u Ugovoru navedena kao ovlaštena osoba korisnika-pravne osobe, a sve pod uvjetom da osobe imaju potrebne dozvole i dokumente za upravljanje vozilom;
- da neće vozilo voziti izvan granica Republike Bosne i Hercegovine u zemlje u koje ulazak nije dopušten;
- da neće vozilo koristiti u nedozvoljene svrhe, primjerice za vršenje kaznenih djela, carinskih, deviznih ili drugih prekršaja ili drugih nedozvoljenih radnji;
- da neće vozilo pretovariti teretom ili putnicima;
- da neće vozilom upravljati pod uticajem alkohola ili narkotika;
- da će brinuti o tehničkoj ispravnosti vozila i obaveznom periodičnom servisiranju vozila;
- da će redovito kontrolisati i po potrebi nadopunjavati tekućinu za hlađenje, ulje i tlak u gumama;
- da će vozilo kad ga ne koristi, obavezno zaključavati i uzimati ključeve i dokumentaciju vozila uz aktiviranje drugih sigurnosnih uređaja ukoliko isti na vozilu postoje;
- da neće vozilo koristiti za:  
prijevoz materijala, predmeta ili stvari koje mogu oštetiti ili zagaditi vozilo, primjerice životinja, lako zapaljivih materijala, natprosječno prljavih stvari ili stvari neugodnog mirisa;  
utrke, moto-sportska ili druga slična natjecanja;  
obuku vozača, etc.

#### Član 6.

Troškove goriva utrošenog tokom najma snosi korisnik. Troškove svih kazni radi prometnih prekršaja, nepropisnog parkiranja ili drugih prekršaja nastalih ili uzrokovanih u vrijeme trajanja najma vozila, bez obzira kada su utvrđeni ili dospjeli, obavezuje se podmiriti korisnik, bez obzira terete li SWISS d.o.o. kao vlasnika vozila, korisnika ili vozača vozila.

#### Član 7.

U slučaju manjka ili oštećenja vozila, opreme ili pribora, bez obzira na to kako su nastali, SWISS d.o.o. će korisniku zaračunati njihovu punu novčanu protuvrijednost po tržišnim cijenama, za nove takve dijelove.

Troškove nedostajuće dokumentacije ili ključeva vozila, korisnik nadoknađuje prema važećem cjenovniku.

Ako u slučaju nepažnje korisnika vozila ili vozača dođe do oštećenja motora ili pogonskog mehanizma (primjerice radi nedostatka ulja ili sredstava za hlađenje), u slučaju oštećenja kartera, spojke, donjeg podvozja vozila ili drugih kvarova izazvanih nemarnošću korisnika ili vozača (primjerice nepažljiva vožnja ili vožnja zbog loših puteva), korisnik vozila nadoknađuje SWISS d.o.o. cjeloukupni iznos troškova popravka vozila, te do iznosa izgubljenog dnevnog najam vozila, ali ne više od 30 dana, te svu nastalu štetu kao što su primjerice troškovi vuče vozila ili umanjene vrijednosti vozila. SWISS d.o.o. zadržava pravo zaračunavanja usluge punjena goriva.

#### Član 8.

U slučaju prometne nesreće, oštećenja, havarije, utaje, krađe, pogonske neispravnosti vozila i drugih sličnih okolnosti korisnik je dužan:

- čuvati vozilo do njegovog preuzimanja od strane SWISS d.o.o.;
- zabilježiti imena i adrese sudionika i svjedoka;
- pozvati nadležan organ policije i osigurati njihov zapisnik, osim u slučaju pogonske neispravnosti;
- bez odlaganja dati izjavu o događaju u najbližoj poslovnici SWISS d.o.o. ili putem telefona;

U slučaju da korisnik ne osigura policijski zapisnik ,sav trošak naknade štete u svezi s oštećenjem ili nestankom vozila pada na teret korisnika u punom iznosu bez obzira na korisnikovu krivicu za takav događaj;

Korisnik prima na znanje da u slučaju nemarnog odnosa prema vozilu, dokumentima ili ključevima vozila, drugim slučajevima predviđenim pravilima osiguranja ili zakonom, može biti terećen regresnim zahtjevom osiguravatelja vozila.

Osiguranje od krađe ne vrijedi u slučajevima kada klijent nema dokumente ili ključeve od vozila koje je unajmio, u slučajevima bez policijskog izvještaja, ili ne korištenja sigurnosnih uređaja protiv krađe ugrađenih u vozilu (zeder, mul-t-lock, alarm). Policijski izvještaj je obavezan.

Ne postoji potpuno osiguranje u slučajevima krađe ili nezgode. Osnovni uvjet je da šteta nije nastala zbog kršenja zakonskih regulativa. U slučaju prometne nezgode i štete policijski izvještaj je obavezan. Bez policijskog izvještaja klijent preuzima punu odgovornost. Korisnik usluge **je odgovoran** za cijelokupnu štetu na vozilu koju on ili po njemu ovlašteni vozač načinio pod uticajem alkohola ili droga, ukoliko je šteta prouzrokovana namjerno ili usljed grube ili nemarne vožnje, ako vozač u trenutku štete nije imao važeću vozačku dozvolu ili je bila na snazi zaštitna mjera zabrane upravljanja motornim vozilom, etc.

#### Član 9.

U slučaju štete na vozilu, korisnik će na traženje SWISS d.o.o. platiti puni iznos popravka oštećenja, ili druge gubitke koje SWISS d.o.o. ima zbog oštećenja vozila, uključujući i izgublenu dobit u visini dnevnog najma nekorištenja vozila za vrijeme trajanja popravka prema važećem cjeniku, ali najviše 30 dana.

U slučaju krađe vozila ili drugih okolnosti radi kojih korisnik nije u mogućnosti po završetku najma, vratiti vozilo SWISS d.o.o., korisnik će na traženje SWISS d.o.o. platiti punu vrijednost vozila i to nabavnu vrijednost novog vozila, a prema ponudi SWISS d.o.o. dobavljača kao i druge gubitke koje SWISS d.o.o. ima zbog nedostatka vozila uključujući i izgublenu dobit u visini dnevnog najma, zbog nekorištenja vozila prema važećem cjeniku, ali najviše 30 dana.

U slučaju štete prema trećim osobama korisnik će snositi sve troškove koje bi SWISS d.o.o. mogao imati po toj osnovi.

Osiguranjem nisu pokrivena štete koje su prouzročene namjerno, pod uticajem alkohola ili droge, bez propisane vozačke dozvole ili u slučaju da je dozvola vozaču oduzeta, u slučajevima da se u vozilu nalazi veći broj osoba od broja registriranih sjedišta, štete izazvane ratnim operacijama ili pobunama, kao i drugim okolnostima, prema pravilima osiguravajućeg društva ili zakonskim propisima.

Osiguranjem nisu pokriveni rizici uništenja ili oštećenja automobilskih guma, naplataka ili poklopaca naplata, uništenja odnosno oštećenja donjeg postroja vozila.

#### Član 10.

SWISS d.o.o. ne odgovara za štete koje bi korisniku mogle nastati usljed zakašnjenja prilikom isporuke vozila, kao ni za štete koje bi korisniku mogle nastati zbog bilo kakvog kvara na vozilu, za vrijeme trajanja najma. SWISS d.o.o. ne odgovara za štete koje bi mogle nastati na osobama i stvarima koje se prevoze u vozilu.

#### Član 11.

Korisnik ne smije prenijeti prava ili obaveze po ovom Ugovoru, na treće osobe, a niti smije otuđiti vozilo, dijelove ili opremu vozila ili vršiti bilo kakve preinake na vozilu.

#### Član 12.

Ovaj je Ugovor sastavljen u 2 istovjetna primjerka, od kojih se jedan primjerak Ugovora uručuje korisniku a drugi zadržava SWISS d.o.o. Svojim potpisom na prvoj stranici ovog Ugovora korisnik prihvata ovaj Ugovor i sve njegove odredbe uz uvjete o najmu vozila s kojima je upoznat u poslovnici preuzimanja vozila.

Izmjene i dopune ovog Ugovora, mogu se vršiti samo u pismenom obliku, a usmeni dogovori su nevažeći.

Sastavni dio ovog Ugovora su važeći uslovi najma SWISS d.o.o., koje potpisom ovog ugovora korisnik prihvata.

#### Član 13.

U slučaju spora po ovom Ugovoru stranke priznaju nadležnost suda u Sarajevu.

#### Član 14.

Engleska verzija ovog Ugovora predstavlja samo prijevod originala teksta. U slučaju spora Bosanski jezik se koristi kao osnova za tumačenje ovog Ugovora.

Korisnik:

SWISS d.o.o.

---